

# Krüzig

© Aernschd Born Text Musik 1996

Genre	Chanson über die Liebe, Basler Mundart
Kurzbeschreibung	Warten auf die erste Liebe
Veröffentlicht auf	Buch «Born in Basel» CD2
Besetzung	Aernschd Born Gesang Gitarre, Michael Pfeuti Kontrabass, Roland Fischer Percussion
Aufgenommen	Crealize-Studio Basel 2002
Akkorde, Griffe	Zweite Seite
Anhören	<a href="http://www.musicday.com/player/?band=aernschd-born&amp;song=HeC">http://www.musicday.com/player/?band=aernschd-born&amp;song=HeC</a>

1

I schtand schtundelang an dr Krüzig  
Irgendwenn muess si doch ko  
Solang goht doch niemols e Sitzig  
Dass si mi so lang loht lo sctoh

Dr Dreier dä isch scho vo Schtunde  
Läär an mir duurekracht  
Und hinter dr Kurve verschwunde  
S isch dr Letschti gsi in däre Nacht

Vom Dalbedoor lütet e Glogge  
Die isch sicher no aine go zieh  
De Lampe no schliche sich Flogge  
S isch z schpot und dr Winter kunnt z früeh

2

Wenn die wüsst, wär do uf si duet blange  
Uf ihri Sctifel im Schnee  
Denn wär die döt längschstens scho gange  
Und d Zeeche däte nüm weh

Wenn die wüsst, wie ich für si due friehre  
Für ihre mi Liebi z gesctoh  
Für bi ihre mi Unschuld z verliere  
Denn wär si doch längschstens scho ko

Denn kiemt si no jetz umme Egge  
Dätmer sage, si haigi dehai  
E süesse Rosé z entdegge  
Und vo denn aa wäri nieme ellai

3

Im Schädel föhn Süüle aa purzle  
Im Mage do lige si quer  
Und d Zechenägel schlöhn Wurzle  
D Füess drugge Löcher in Teer

I schtand schtundelang in däne Löcher  
E Sctift, wo si Lehr het biko  
Dr Schnee hebt sich fescht an de Dächer  
D Sunne goht uf und drvo

Dass aine vor Johre wie bisse  
Het gwartet uf die mit däre Geduld  
Das bruucht die bis hütte nit z wüsse  
Die isch jo au sälber dra gschuld

4

Verschmolze sin drissig Winter (inzwischen sind es 45;-)  
Dr Dreier dä fahrtene no  
In äim fahr i häim zu de Kinder  
Lueg use und seh mi no immer döt sctoh

Schluss

Ich renn usem Dram über d Krüzig und schnei  
Quer dure Oobevekehr  
Ich sctolpere über mi Wurzle und ghei  
In die zwäi Löcher im Teer

# Krüzig zweite Seite

Akkorde Noten Griffe

© Aernschd Born 1996

im Buch mit 2 CDs «Born in Basel» – bestellen

## Schneller 3/4-Takt

### Intro

Dm / Dm/C / Dm/H / Dm  
E / ./ / E7 E/C / E

### Strophen

||: Am / Am/G / Am4/F# / ./  
Am4/F / E7 / Am / ./ :||  
||: Dm / Dm/C / Dm/H / ./  
C / Em / Am / Am/G  
Dm / Dm/C / Dm/H / Dm  
E / ./ / E7 E/C / E :||

### Schluss

Dm / Dm/C / Dm/H / ./  
C / ./ / Em / ./  
Am / Am/G / Am4/F# / ./  
Am4/F / E7 / Am / ./

